

**Saksnr.: Utval**  
 34/12 Sogn regionråd

**Møtedato**  
 07.12.2012

**Sak** **34/12**

## **Regionalplan for Sogn regionråd 2013-2016 - framlegg**

### **Tilråding:**

Sogn regionråd vedtek å senda framlegg til regionalplan 2013-2016 på høyring.

### **Vedlegg:**

1. Regionalplan for Sogn regionråd 2013-2016 - framlegg
2. Notater frå arbeidsmøte 28. september og frå møta i arbeidsgruppene oktober-november

### **Saksutgreiing:**

Gjeldande regionalplan er for 2009-2012 og vart laga i byrjinga av førre valperiode. Planen består av ein strategisk del og ein tiltaksdel. Regionalplanen med felles mål, strategiar og tiltak er eit verktøy i regionrådet sitt arbeid med å utvikla regionen. I denne planprosessen har vi hatt fokus på involvering blant folkevalde og aktuelle eksterne aktørar med arbeidsmøte og arbeidsgrupper. Rådet har drøfta prosessen undervegs, og framdriftsplanen følgjer under:

<b>Periode/ tidsfrist</b>	<b>Aktivitet</b>
24. august	RUP-gruppa drøftar opplegg for prosessplan og arbeidsmøte
14. september	Sogn regionråd tek stilling til vidare arbeid og prosessplan
28. september	Arbeidsmøte med formannskapa, rådmenn, næringsansvarlege og eksterne aktørar Arbeidsverkstad og føredrag
1.-10. oktober	Oppsummeringsnotat frå arbeidsmøte
1.okt -10. nov	Vidare arbeid i gruppene med tema frå arbeidsmøte
12. oktober	RUP-gruppa drøftar sorteringskriterie for kva som skal inn i regionalplanen
26. oktober	Sogn regionråd tek stilling til sorteringskriteria frå RUP-gruppa
21. november	RUP-gruppa drøftar innspela som grunnlag for framlegg til regionalplan
7. desember	Sogn regionråd vedtek å senda planframlegget (strategidelen) på høyring
Januar -februar	Kommunestyra og eksterne aktørar handsamar planframlegget (strategidelen)
April 2013	Sogn regionråd vedtek regionalplanen 2013-2016 (strategidel og tiltaksdel)

RUP-gruppa drøfta i møtet innspela i høve til sorteringskriteria: kva område som sterkest bidreg til å nå føremålet til Sogn regionråd, kva regionrådet har virkemiddel på og kva område regionrådet kan påverka mest. Føremålet til Sogn regionråd er å vera ein felles arena med fokus på å sikra og vidareutvikla rammevilkåra for busetnad og næringsliv i regionen. Rådet skal også fungere som base for definerte prosjekt og vidare ha som mål å samordna og forenkla oppgåver for eigarane. Vedlagt følgjer forslag til regionalplan.

Etter høyringa handsamar rådet regionalplanen i aprilmøtet.

Det vert også vist til til fylkeskommunen sitt høyringsdokument på regional planstrategi med spørsmål om behovet for geografisk avgrensa plan og rådet sitt svar om at behovet for temabaserte geografiske planar vil bli vurdert i regionalplanprosessen.